

Le "Botye a Tobi" : groupèmin di patêjan fribordzê dè Vevè fithè chon 20 tchim'aniverchéro :12 dè juin 1982

Autor(en): **Chudan, R.**

Objekttyp: **Article**

Zeitschrift: **L'ami du patois : trimestriel romand**

Band (Jahr): **10 (1982)**

Heft 2

PDF erstellt am: **19.09.2024**

Persistenter Link: <https://doi.org/10.5169/seals-240424>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern. Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden. Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.



Le "BOTYE A TOBI"

Groupèmin di patèjan fribordzé

dè Vevè

fîthè chon 20 tchim'aniverchéro

12 dè juin 1982

La né dèvan, n'in dè tsejê a borni. Le rèvi di ke la plyodze dou matin rèvirè pâ le pèlerin è, portan, lè j'organijateu dè ha fîtha katchivan pâ lou aprèanchyon. Kà, apri avi inkotchi, avoui ti lè pochyin è le travô ke chin balyè, cheri jou dèthevin dè chè mé fére a molyi in dèfro tyè in-dedin. Ma Chi ke kemandè to, mimamin lè plyanètè, che L'è pâ Fribordzê, l'a kan mimo di bontâ po hou ke chàbron lyin dè lou tyinton. I plyovinyivè adi on bokon a 14 àrè, kan le kâr no j'a rama-châ chu la Plyèthe dou Martchi a Vevè. E, achtou, no no chin veri de la pâ dou Hô-Lé. Nyon ne fajê di minè ache poutè tyè lè chudâ ke modâvan po la djêra, ô! Lâ na! Pêchke din nouthra chochyètâ no kultivin la linvoua dè nouthrè j'anhyan avoui djitâ. No j'arouvin don a Aigle po vejetâ le tsathi yô li chè travè le Muzé dou vin. E kan on di Muzé chin vou a dre k'on li va vère di râretâ, di balè tsoujè, di badyè è di j'uti ke nouthrè j'aya inpyéyivan ma ke faran a fére on fô-ri a di j'âno ke l'aran pâ jou la mindre idé dè lè j'invinkyenâ. In chalyin du inke, on bi chèlà vin no rètsoudâ le kouâ è le kà. A 4 1/2 àrè no no rèinmodin din la dirèkchyon dè Vevè po no rindre a Tsêrdena via Chexbres. No j'in rèdèchindin chin ratâ l'intrâye dè nouthron domène di "Faverges". Vu pâ vo balyi tru dè dètalye chu ha bala kotse yô li krè na vigne - vo dyo tyè chin - tru dè dzin l'an dza agothâ dè chi bon brè ke dèchin avô vouthra gardyèta avoui di tsôthè dè vèlu. No j'arouvin ou Rèstoran dou Rivâdzo a Vevè yô no j'è chèrvi na marinda a fére a bavâ lè plye gran chinyà. No j'an j'ou l'anâ è le plyéji d'avi pèrmi no nouthron chejin è bin d'amâ prèjidan kantonal M. Luvi Pâdze. Lè balè parolè, plyènè dè bon chan è d'inkoradzèmin ke l'a prononhyè, l'an pâ j'ou dè pèna dè totchi le kà di 77 pèrchenè prèjintè ke garnechan lè trâblyè. Din l'achichtanthe on rèmarkâvè achebin M. Noverraz, prèji-

dan di patêjan de Fëri-Savigny è Mma ch'n'èpàja, pè di dèlè-
gué de chochyètâ-chèrè è M. G. Bourquenoud, rèdaktau dou
"Fribourg-Illustré, le triô di j'armalyi de la Vevéje avoui
M. Francis Fâvre dou komité de la Kantonale.

7 diplôme de minbr' onorêre chon jou dèlevrâ a: J. Currat,
prèjidan d'oneur, fondeu,

L. Aeby è vouthron chèrvetâ, fondeu,
P. Patchi, G. Bays, Ph. Bossel è F. Philipona.

Pè, le momin tan atindu arouvè: le terâdzo d'n'èchpéche de
tonbola fête ou moyin de 7 karnè de 200 chouchkripchyon. Po
tsatyè karnè li-avi kemin pri: l oji pintâ, on bânyolè è na
kouârna pintâye ou bin on pouârta-botolye...avoui na botolye.
Che tsakon l'a pâ pu rintrâ avoui on pri, ti, oumintè, chon
jou favorijâ pê na tota bala dzornâ yô le chèlà, che l'a on
bokon dzuyi a la bâra avoui lè nyolè, no j'a rèdzoyi le kâ.
No no dèvechan de markâ in lètrè d'ouâ ha dâta din lè j'anâlè
de la chochyètâ. To li chè pachâ din l'aligranthe è le dzouyo
de vivre inthiblyo di momin ke nyon ne porè oublyâ.

Va chin dre ke ha bala vèlya l'è jou agrèmintâye pê lè pro-
dukchyon dou Triô di j'armalyi de la Vevéje avoui M. F. Fâvre
dou komité de la Kantonale di patêjan fribordzè è ou chon de
la mujika avoui M. Demierre d'Ursy, pére è fe, ke l'an fi a
danhyi dzouno è min dzouno tantyè a...de boun'âra.

No poran pâ alâ plye lyin è veri ha pâdze chin rèmarhyâ è
félichitâ bin chinchéremmin nouthron grahyâ prèjidan, Médé
hlyemin è ti hou ke l'an édji din ha tâtse.

Le chekrètéro:

R. Chudan.

